



MISLI O PRIRODI!
THINK NATURE!

„Misli o prirodi!“ trogodišnji je projekat kojeg implementira Centar za promociju civilnog društva, a finansijski podržava Vlada Švedske u iznosu od 3 miliona konvertibilnih maraka. Osnovni cilj projekta jeste povećati uticaj civilnog društva u zaštiti okoliša kroz umrežavanje organizacija civilnog društva, institucija, stručnih lica, medija i mladih za zajedničko, sinhronizirano i snažno djelovanje na lokalnom nivou. Dodatni značaj projekta predstavlja doprinos provođenju zahtjeva Evropske unije i međunarodnih sporazuma iz oblasti okoliša, klime i energije koje je BiH ratificirala.

Projekat je zasnovan na 5 komponenti:

1. ZAGOVARANJE

Unapređenje zaštite okoliša je jedino moguće kroz diverzificiran pristup problemskim oblastima ali i zajedničko djelovanje, sistematičan i naučno utemeljen pritisak civilnog društva na donositelje/ke odluka i zagađivače, te podizanje svijesti o važnosti okoliša u poboljšanju standarda života.

Podrška će biti pružena kroz edukacije i grantove za mreže organizacija koje će sprovoditi zagovaračke inicijative (500.000 KM), medije (100.00 KM) i organizacije koje će pozivati kompanije na veću javnu odgovornost (150.000 KM).



2. EKO HUBOVI

Kompleksnost pitanja okoliša zahtijeva kontinuiranu prisutnost na lokalnom nivou, ekspertizu u oblasti zaštite okoliša, umreženost sa lokalnim akterima, mogućnost komunikacije sa mladima, školama i medijima, te kapacitete za pružanje edukativne i stručne podrške drugim organizacijama i školama. Kroz ovu projektnu komponentu formiraće se mreža od 10 Eko hubova koji će biti lideri u svojim regionima, a uz direktnu komunikaciju sa CPCD, ostalim Eko hubovima i lokalnim akterima predstavljaće svojevrstan hub za prikupljanje i distribuciju najrelevantnijih informacija u oblasti okoliša i iniciranje lokalnih akcija. Eko hubovima će biti na raspolaganju grant podrška u ukupnom iznosu od 600.000 KM.



3. EKO ŠKOLE

Rad sa školama i ministarstvima obrazovanja na entitetskim i kantonalnim nivoima će osigurati održivost ideje projekta „Misli o prirodi!“. Škole koje pokažu zainteresovanost za unapređenje plana i programa rada škole, vannastavnih aktivnosti i edukaciju u oblasti zaštite okoliša, imaće priliku da dobiju certifikat Eko škola. 40 odabranih škola će, uz podršku CPCD-a i Eko hubova, kreirati akcioni plan na osnovu koga će im biti pružena materijalna i tehnička podrška u ukupnom iznosu od 240.000KM.



4. MLADI

Uključenost i proaktivni pristup mladim okolišnim pitanjima jedna je od najznačajnijih projektnih komponenti koja se prožima kroz sve planirane aktivnosti u vidu kampanje podizanja svijesti i promocije okolišnih pitanja. Različiti alati i metodi će biti korišteni u implementaciji kampanje, uključujući takmičenja, izazove, i i druge kreativne alate. Planirano je i održavanje 3 ljetne škole za eko lidere i liderice koje će nakon završenih obuka u svojim zajednicama pokrenuti inicijative.



5. EKO NOVINARI/KE

Medijska pokrivenost okolišnih pitanja biće unaprijeđena tokom projekta kroz sistematičan pristup medijima, novinarima i novinarkama, ali i rješavanju izazova sa kojima se suočavaju prilikom rada na medijskim sadržajima iz oblasti zaštite okoliša. Novinari/ke će uz saradnju sa fakultetima novinarstva održati niz predavanja za studente i studentice. Planirana je i medijska edukacija građana i građanki kako bi se aktivno uključili u kreiranje medijskih sadržaja o pitanjima okoliša. Novinarska nagrada za najbolje medijske sadržaje u oblasti zaštite okoliša.

